

სახელმწიფო შესყიდვის შესახებ

ხელშეკრულება №71/2021

ქ. თბილისი

ერთის მხრივ საქართველოს გარემოს დაცვისა და სოფლის მეურნეობის სამინისტროს სსიპ – სურსათის ეროვნული სააგენტო (შემდგომში “შემსყიდველი”) წარმოდგენილი მისი უფროსის ზურაბ ჩეკურაშვილის სახით და მეორეს მხრივ, შპს „აგრონომი“ (შემდგომში “მიმწოდებელი”) წარმოდგენილი მისი დირექტორის სოფიკო ხოფერიას სახით, “სახელმწიფო შესყიდვების შესახებ” საქართველოს კანონისა და პრეტენდენტის სატენდერო წინადადების საფუძველზე, **NAT210002090** ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

1.1. “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.

1.3. “დღე”, “კვირა”, “თვე” - კალენდარული დღე, კვირა, თვე.

1.4. “საქონელი” – ხელშეკრულების მე-2 მუხლით გათვალისწინებული ხელშეკრულების საგანი.

1.5. “ტექნიკური დავალება” - სატენდერო დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.

1.6. “ტექნიკური დოკუმენტაცია” - მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

2. ხელშეკრულების საგანი

2.1. ხელშეკრულების საგანს წარმოადგენს: საქართველოში რეგისტრირებული ფოსფორორგანული (აქტიური ნივთიერება ქლორპირიფოსი) ინსექტიციდი „**ლოქსლი 240 უმზ**“-კალიების საწინააღმდეგო ღონისძიებების გასატარებლად.

2.2. საქონლის მიწოდების პირობების აღწერა მითითებულია **NAT210002090** ელექტრონული ტენდერის ტექნიკურ დავალებაში, რომელიც წარმოადგენს ხელშეკრულების განუყოფელ ნაწილს;

2.3. მოსაწოდებელი საქონლის დასახელება, რაოდენობა, მახასიათებლები და ერთეულის ღირებულება მოცემულია წინამდებარე ხელშეკრულების დანართი №1-ში;

2.4. შესყიდვის კოდი CPV24452000.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს **640,000 (ექვსასორმოცი ათასი) ლარს**.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს, მათ შორის საქართველოს კანონმდებლობით გათვალისწინებულ ყველა შესაბამის გადასახადებს.

3.3. ხელშეკრულების დაფინანსების წყაროა **2021 წლის მიზნობრივი ქვეპროგრამა „მცენარეთა დაცვა და ფიტოსანიტარული კეთილსაიმედოობა“**

4. საქონლის მიწოდების ვადები და ადგილი

4.1. საქონელი შემსყიდველს უნდა მიეწოდოს ხელშეკრულების გაფორმებიდან არაუგვიანეს 60 კალენდარული დღის მანძილზე.

4.2. საქონლის მიწოდება უდა განხორციელდეს ქ. თბილისში, ქვემო ქართლსა და დედოფლისწყაროს მუნიციპალიტეტში.

4.3. მოსაწოდებელი საქონლის რაოდენობები ადგილმდებარეობის მიხედვით განისაზღვრება შემსყიდველის მიერ უშუალოდ საქონლის მიწოდებამდე ორი დღით ადრე.

4.4. საქონლის საწყობებში დაცლა და დასაწყობება წარმოადგენს მიმწოდებლის ვალდებულებას.

5. მიღება-ჩაბარების წესი

5.1. ფაქტიურად მოწოდებულ საქონელზე, მხარეებს შორის გაფორმდება მიღება-ჩაბარების აქტი შესაბამისი ღირებულების ასახვით;

5.2. შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირები არიან ხელშეკრულების პირობების შესრულებაზე კონტროლის განმახორციელებელი ჯგუფის წევრები;

6. ანგარიშსწორების პირობები

6.1. შესყიდვა ითვალისწინებს წინასწარ საავანსო ანგარიშსწორებას სახელშეკრულებო ღირებულების 100% ფარგლებში.

6.2. საავანსო ანგარიშსწორების მოთხოვნის შემთხვევაში, მიმწოდებელმა უნდა წარმოადგინოს წინასწარ მოთხოვნილი საავანსო თანხის ოდენობის საბანკო დაწესებულების საბანკო გარანტია, რომლის მოქმედების ვადა ერთი თვით უნდა აღემატებოდეს ხელშეკრულების მოქმედების ვადას.;

6.3. საავანსო საბანკო გარანტია გაცემული უნდა იყოს საქართველოში სათანადოდ რეგისტრირებული და შესაბამისი უფლებამოსილენოს მქონე საბანკო დაწესებულების მიერ;

- 6.4. ანგარიშსწორება განხორციელდება ეროვნულ ვალუტაში, შესაბამისი მიღება-ჩაბარების აქტის გაფორმებიდან 10 სამუშაო დღის ვადაში;
- 6.5. ანგარიშსწორების ფორმა იქნება – უნაღდო.

7. მხარეთა უფლება-მოვალეობები

- 7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;
- 7.2. შემსყიდველი ვალდებულია გადაიხადოს მიწოდებული საქონლის ღირებულება ხელშეკრულების პირობებისა და ვადის გათვალისწინებით;
- 7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულების პირობებისა და ვადის გათვალისწინებით;
- 7.4. მიმწოდებელი ვალდებულია:
- 7.4.1. შემსყიდველს მიაწოდოს დადგენილი ხარისხითა და სტანდარტების საქონელი.
 - 7.4.2. გადასცეს შემსყიდველს უფლებრივად და ნივთობრივად უნაკლო საქონელი.
 - 7.4.3. საქონლის თითოეულ პარტიასთან ერთად მიაწოდოს შესყიდველს საქონლის ხარისხისა (ანალიზის) და წარმოშობის სერტიფიკატი.
 - 7.4.4. უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან საქონლის მიწოდების ადგილამდე ტრანსპორტირების პროცესში. პრეპარატი დაფასოებული უნდა იყოს სტანდარტულ მარკირებულ ტარაში არაუმეტეს 25 ლიტრისა. უზრუნველყოს საქონლის მიწოდება ტექნიკურ დოკუმენტაციაში მითითებულ მისამართებზე და მოახდინოს მისი დასაწყობება შემსყიდველის მიერ მითითებულ ადგილას.

8. ხელშეკრულების შესრულების კონტროლი

- 8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველის მხრიდან განსაზღვრული პირ(ებ)ი;
- 8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციაა მისაწოდებელი საქონლის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;
- 8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.
- 8.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

8.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. გარანტია

პრეპარატი დამზადებული უნდა იყოს არაუგვიანეს 2020 წელს და ვარგისიანობის ვადა უნდა ჰქონდეს არანაკლებ 3 წელი. მიღება ჩაბარების აქტის გაფორმებიდან ვარგისიანობის ვადის ამოწურვამდე პრეპარატმა არ უნდა შეიცვალოს ფიზიკო-ქიმიური თვისებები, წინააღმდეგ შემთხვევაში მიმწოდებელი ვალდებულია ასეთი ინსექტიციდი შეცვალოს ახლით

10. პირგასამტეხლო ხელშეკრულების პირობების შეუსრულებლობისაგან

10.1. მიმწოდებლის მხრიდან ხელშეკრულების 4.1. პუნქტით განსაზღვრული ვადის დარღვევის შემთხვევაში, მას დაეკისრება პირგასამტეხლო დაგვიანებით მიწოდებული საქონლის ღირებულების **0.02 %** ოდენობით, ყოველ ვადაგადაცილებულ დღეზე;

10.2. მიმწოდებლის მხრიდან ხელშეკრულებით გათვალისწინებული ვალდებულებების არაჯეროვნად შესრულების შემთხვევაში, მას დაეკისრება პირგასამტეხლო არაჯეროვნად შესრულებული ვალდებულების ღირებულების 0.02 % ოდენობით.

10.3. ხელშეკრულებით ნაკისრი ვალდებულების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების ჯამური ღირებულების 10% ოდენობით;

10.4. თუ ხელშეკრულების 10.1. და 10.2. პუნქტებით გათვალისწინებული პირგასამტეხლოს თანხა გადააჭარბებს ხელშეკრულების ჯამური ღირებულების 1 %-ს, შემსყიდველ უფლება აქვს ცალხრივად შეწყვიტოს აღნიშნული ხელშეკრულება.

10.5. პირგასამტეხლოების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულების შესრულების გარანტია

11.1. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილია სახელშეკრულებო ღირებულების **10%-იანი** საბანკო გარანტია, რომლის მოქმედების ვადა 30 დღით აღემატება ხელშეკრულების მოქმედების ვადას.

11.2. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი საბანკო გარანტიიდან მოხდება შემსყიდველის ყველა იმ მოთხოვნის დაკმაყოფილება, რაც გამოწვეული იქნება მიმწოდებლის მხრიდან ხელშეკრულების პირობების დარღვევით.

12. ხელშეკრულებაში ცვლილებების შეტანა

12.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

12.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შეწყვეტა

13.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

13.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. დაუძლეველი ძალა

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დუძლეველი ძალის ზეგავლენით.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.

14.3. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

15. ხელშეკრულების მოქმედების ვადა

ხელშეკრულება მოქმედებს ხელმოწერის მომენტიდან 2021 წლის 30 ივნისის ჩათვლით.

16. სხვა პირობები

16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2. გამარჯვებული პრეტენდენტის მიერ წარმოდგენილი სატენდერო წინადადება და დანართები წარმოადგენს ხელშეკრულების განუყოფელ ნაწილს.

16.3. ხელშეკრულება შედგენილია ქართულ ენაზე, ელექტრონულად.

საქართველოს გარემოს დაცვისა და სოფლის მეურნეობის სამინისტროს სსიპ – სურსათის ეროვნული სააგენტო	შპს “აგრონომი”
ს.კ. – 205142200 მისამართი: თბილისი, მარშალ გელოვანის №6 მომსახურე ბანკი - სახელმწიფო ხაზინა ანგ.№ 200122900 კოდი: 220101222 ტელ: (+995 32) 291-91-67	ს.კ. – 200265319 მისამართი: თბილისი, ბიძინა ჯვერნადის ქუჩა, კორპუსი 35, სადარბაზო 2, სართული 3 E-mail: a.utalishvili@agronom.com.ge მომსახურე ბანკი - სს. თიბისი ბანკი ბ.კ. – TBCBGE22 ა.ა. – GE78TB7077736060100001
სააგენტოს უფროსი	დირექტორი
ზურაბ ჩეკურაშვილი _____	_____ სოფიკო ხოფერია

#	საქონლის დასახელება (სავაჭრო სახელწოდება)	1 ჰა-ზე პრეპარატის მაქსიმალური ხარჯვის ნორმა პესტიციდების სახელმწიფო კატალოგის შესაბამისად	წარმოების ქვეყანა	მწარმოებელი კომპანია	რაოდენობა (ლიტრი)	ერთეულის ფასი (ლარი)	ღირებულება სულ (ლარი)	მიწოდების ვადა
1	„ლოქსლი 240“ უმშ	0.5-1 ლ/ჰა	ინდოეთი	პარიჯატ ინდასტრის პკტ. ლტდ., ინდოეთი	40,000	16.00	640,000.00 ლ	ხელშეკრულების გაფორმებიდან არაუგვიანეს 60 კალენდარული დღე

ზურაბ ჩეკურაშვილი



სააგენტოს უფროსი

სსიპ სურსათის ეროვნული სააგენტო

